

MEMORIA

---

20  
18

---

EKINTZA SOZIALAK



DONOSTIA  
SAN SEBASTIÁN



donostia  
kultura



Zerbitzuen Gida

**D**onostia Kulturak urteak daramatza gizarte-ekintzak burutzen, beste erakunde publiko zein pribatuekin elkarlanean. 2018 urtean zehar gazte, heldu eta babesgabeko pertsonen zuzendutako hainbat ekimen burutu dira esparru ezberdinetan.

Gainera, bestelako jaialdi eta zikloekin lan egin da, elkarren ondoan, ilunpean geratzen diren errealitateak ezagutzera emateko asmoz. Egunerokoan ere, alde soziala duten pausoak eman ditu kultur erakundeak, urte amaieran sekulako oihartzuna izan zuen Euskaraldiak ahaztu gabe.

### KULTUR EKINTZA (KULTUR ETXEEN SAREA)

Hiriko kultur etxeen bitartez talde ezberdinei zuzendutako **hainbat programa eta ekimen** garatzen dira.

Plus 55 programa: **55 urtetik gorako pertsonen** zuzendutako programak: Larunbatak dantzan, Igandeak dantzan, Bideo forumak, Antzerki emanaldiak eta formakuntza tailerrak burutu dira.

**Gaztelekuak** (12-17 urte) eta **Haurtxokoak** (5-11 urte) gazte eta haurrei zuzendutako dinamizazio zerbitzua kultur etxe gehienetan ematen da.

**Jarduerak elkarrekin:** hainbat jarduera egiten dira euskarri sozialeko

elkarrekin eta GKEkin (Atzegi, Gormutuen elkartea, elbarriak...), talde ezberdinekin (atzerritarrak, ijito elkartea...) edota Udaleko beste sailekin (Berdintasuna, Ongizatea, Gazteria...). Bestalde, auzoetako elkarrekin, bilerak eta jarduerak egin ditzaten, aretoak eta gelak lagatzen zaizkie hiriko kultur etxeetan.

### FESTAK

Donostia Kulturako Festen departamentuak oso aintzat hartzen ditu gizarte-ekintzak antolatzen dituen jai guztietan. Horren adibide dira, besteak beste, **ingurugiroa** babes-teko neurriak eta ekintzak (edalontzi berrerabilgarriak baliatzea, material birziklagarria, hondakinen gaikako

bilketa...), **ohitura osasungarriak** bultzatzekoak (prozesatu gabeko eta hurbileko lehengaiak erabiliz antolatu dituen gastronomia-lehiaketetan), bai eta beste batzuk ere, non xedea **generoen arteko parekotasuna** baita (emakumeek festetan rol aktiboa izan dezaten bultzatzea, eraso matxisten kontrako kanpainak), **nagusia aintzat hartzea** jaietan (Errege egunean eta Inauterietan nagusien egoitzetara bisitak egitea...), edo mugikortasun mugatuko pertsonen **modu inklusiboan** bizi izatea jaiak (haintzako guneak jarrita, zeinu-hizkuntzarako itzulpenak eginda, dibertsitateari begira irisgarritasuna eta inklusibotasuna sustatzen dituzten jarduerak...).

## EKOIZPENA ETA FINANTZAK

Produktzio Zuzendaritzak denbora zeraman adimen-desgaitasuna duen pertsona bat lan taldean bat egiteko gogoz, horrela, ohiko lan esparruan pertsona hauen **integrazioan harri-koskorra** ekarri nahi izan da.

Finantza sailak honelako kontratazioetarako sorta bat duenez, Gureak eta Atzegi erakundeekin harremanetan jarri zen, Donostia Kultura egituraren bat egin zezakeen pertsonaren hautaketa hasteko. Azkenik, pertsona horren formakuntza burutu zen eta Victoria Eugenia Antzokian hilabete praktiken ondoren, irailean Donostia Kulturaren lanean hasi zen, bere gaitasunekin bat datozen zereginak egiten eta erakundeko sail gehienekin erlazionatuaz. **Nabarmendu eta eskertzen dugu, Aitorrek egunerokoan egiten digun ekarpena.**

Gainera, Marta urteak daramatza gurekin lanean; bere lanak San Telmo Museoa betetzen ditu.

## ADMINISTRAZIOA ETA BALIABIDEAK

Donostia Kultura **Erantzunkide** sareko partaide da, **berdintasun eta bateragarritasun neurrietan aurrera** egiteko sortu den sarea. Gipuzkoako



Donostiako Estropadak - Emakumeen Estropada

Foru Aldundiak jarri du martxan. Enpresen artean esperientziak partekatzen dira, horrela gero eta enpresa gehiagotara heltzeko.

## ZINE UNITATEA

Zine Unitateak **hainbat ziklo eta jaialdi** antolatzen ditu arlo sozialeko hainbat erakundeekin elkarlan estuan. Horren adibide dira Zinema eta Giza Eskubideen Festibala, Zinegoak Festibalaren luzapena, Emakumeek Egindako Zinema Zikloa, Beste Begiradak Festibala edota arlo ezberdinetako erakundeekin antolatutako proiektuak.

## SAN TELMO MUSEOA

San Telmo Museoa lan ildo ezberdinak ditu ekintza sozialen esparruan. Batetik, kolektibo ezberdinei zuzendutako deskontuak eta erraztasunak eskaintzen ditu (ikasleak, gazteak, 65 urtetik gorakoak, familia ugariak, langabetuak). Bestetik, **jarduera bereziak**

antolatzen ditu: hitzaldiak (Erronek zikloa), topaketak eta erakusketei lotutako ekimenetan doako bisita gidatuak eskaintzen dizkie gizarte bazterketan dauden taldeei.

## EUSKARALDIA

Donostia Kulturak **parte hartze aktiboa** izan zuen Euskaraldiak iraun zuen 11 egunetan zehar. Batetik, kultur etxetan ekimen honen materiala jaso zitekeen. Bestetik, Euskararen Egunaren inguruan programatutako hainbat ikuskizun, musika, haur antzerkia, familia tailerrak, San Telmo Museoa bisita gidatuak, literatur solasaldiak... izan ziren.